



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1856

CCXXXIII. Kurfürst Johann verleiht Groß-Machenow und Groß-Kienitz mit Hebungen in Bukow an Georg Flans, am 26. August 1494.

[urn:nbn:de:hbz:466:1-54728](https://nbn-resolving.org/urn:nbn:de:hbz:466:1-54728)

schen vnd sechs pfennig, newn virt roggen, newn virt gersten vnd funfthalf scheffel habern; auff Jacob Willicken houe vnd drei huben drei vnd dreißig groschen vnd sechs pfennig, zwen scheffel ein virt roggen, zwen scheffel ein virt gersten vnd funfthalf scheffel habern; auff peter henckel houe vnd zwen huben drithalben vnd zwenzig groschen, anderhalb scheffel roggen, anderhalb scheffel gersten vnd drei scheffel habern; auff Symon wollebach houe vnd vir huben drey scheffel roggen, drey scheffel gersten, sechs scheffel habern vnd drey mandell groschen; auff vester houe vnd dreien huben newn virdt roggen, newn virt gerstenn vnd funfthalf scheffel habern vnd drei vnd dreißig groschen vnd sechs pfennig; auff Gorgen Grunow houe vnd zweien huben anderhalb scheffel roggen, anderhalb scheffel gersten, drey scheffel habern vnd drithalben vnd zwenzig groschen; auff altten Grunow houe vnd dreien huben drithalb vnd dreißig groschen vnd sechs pfennig, newn virt roggen, newn virt gersten vnd funfthalf scheffel habern; vff vrbau hermann hoff vnd einer huben eiff groschen vnd czwen pfenningh, drey virt gersten, drey virt roggen vnd anderhalb scheffel habern; Auff arnstorfes houe vnd vir huben funff vnd virczig groschen, drey scheffel roggen, drey scheffel gersten vnd sechs scheffel habern: vnd leihen den gnannten Gorgen vnd hanfen Barsuffen, geuettern, als den eltesten auch von Ir bruder wegen, die noch nicht zu Iren mundigen Jaren komen sein, In getrewer handt, bisz sie czu oren mundigen Jaren komen, getrewlich vorzutragen, solch oben angezeigte guter czu rechtem manlehn vnd gesampter handt, In vnd mit crafft dits briues etc. — wir haben auch vnsern lieben getrewen hannsen czu Cunerstorff, hennick czu mogelyn, Cunen czu Botzelow vnd hanfen czu Bredikow, bruder vnd vetter, an obgnannten guttern die gesampten handt gnediglich gelihen vnd leihen Inen die In crafft dits briues, wie gesampter handt recht vnd gewonheit ist, doch vnns, vnseren erben vnd nachkommen an vnsern vnd sunft ydermeniglich seinen rechten on schaden. Czu urkunt etc. actum Collen an der Sprew, am donerstag nach Matthey apostoli, Anno domini etc. XCIII Jaren.

Nach dem Churm. Lehnsopialbuche XXVII, 102.

CCXXXII. Kurfürst Johann verleiht Groß-Machenow und Groß-Kienitz mit Heubungen in Bifow an Georg Flans, am 26. August 1494.

Wir Johans, vonn gotts gnadenn Marggraue zu Brandenburg, Churfurst etc, Bekennen etc. —, das wir angesehen vnd erkannt habenn getrew willig vnd annehme dinst, Dy vnns vnser hauptman zur Czossen vnd lieber getrewer Jorig Flans vonn Jugent auff bisher ercaigt vnd getan hat, hinfur woll mehr thun soll, kan vnd mag. Darumb vnd von sonndern gnaden vnd gunst wegen haben wir Ime vnd seinenn menlichen leibs lehenns erben zu Rechtem manlehen gnediglichen gelihen alle vnd igliche Jerliche zins vnd Renth, so wir an getraid, gelt, hunern, Eyern, mit sampt einem Sehe, zehennenden, Obersten vnd Nydersten gerichtenn, vffart vnd affart, Im dorff grosen Machenow vnd grosen kinicz habenn, wy dann dy gemele dorffer In iren Greniczen gelegenn sind, mit allen Rechten, keinerlay aufgeschlossen; darzu Im dorff Buckow funff freye hoff, dy do Jerlichenn zinsen Newen schock vir vnd funffzig groschen an gelt, acht scheffel roggen, acht scheffel hauern vnd funff Rouchuner mit sambt Oberstenn vnd

Nydersten gericht. Solich guter, Jerlich Zins vnd Renth sy alle Jar Jerlichen von Jar zu Jar auffheben, sich der zu gebrauchen vnd genisen sollen vnd mogen In allermafz, als sy ludwig kuchenmeyster seliger gehabt hat, von dem solich gut an vnns gefallen vnd komen ist vnd wir es vnser Rat vnd liebenn getrewenn Gorigen vnd thomas Quasten, gebrudern, Nach versterbenn ludwig kuchenmeysters verplandt gehabt, dy wir izundt wider von Inen gelost vnd dem gnanten Gorigen Flannsen gegebenn, auch durch vnser diner vnd lieben getrewen Otten Slaberndorff, heinrichen Thurknecht vnd friz funcken an vnser stat In soliche guter geweyt haben etc. — Actum am montag nach Bartolomey, Im vir vnd newenczigsten Jaren.

Nach dem Churm. Lehnscopialbuche XXVII, 115.

CCXXXIII. Kurfürst Johann verleiht den Gebrüdern Hans, Henning und Cune Barfus die von ihnen erkaufte wüste Feldmark Hertzhorn, am 10. März 1496.

Wir Johans etc., Bekennen —, das wir vnzren lieben getrewen hanfen, henningk vnd kunen Barfuffen, gebrudern, czu Cunerstorff, Mogelin vnd Botzelow gefessen, vnd Iren menlichen lehens erben das virdentaill an der wusten dorffliet hirtzhorn gnant, In mafzen sie das von vnser Mann vnd lieben getrewen hanfen Eichenndorff gekaufft, der es hiruor von vnser herfschaft vnd vns bizher czu lehen gehabt, besessen vnd auff der gnanten Barfusen behuff vor vns mit handt vnd mundt wie recht verlassen, czu rechtem manlehn vnd gefambter handt genediglich gelihen haben vnd leiben etc. — Auch haben wir aufz sunderlich gunst vnd gnade hanfen czu Predikow, Gorgen, Cunen, hanfen, Matthifen, Gorgen, Jacoben vnd Jacoben barfuffen, gebruderen vnd vettern, czu Malchow an solichem virdentaill hirtzhorn die gefampten handt, als gefampter handt recht vnd gewonheit ist, gelihen, doch vns, vnser erben vnd nachkomen an vnser vnd sunst yderneniglich an seinen rechten on schaden. Czu urkunt etc. Actum Collen an der Sprew, am donerstag nach Oculi Im XCViten.

Nach dem Churm. Lehnscopialbuche XXVII, 103.

CCXXXIV. Schadlosbrief des Erzbischofes Ernst von Magdeburg für die Stadt Burg wegen eines aufgebrauchten Darlehens, vom 20. Mai 1496.

Wir Ernift, von gots gnaden Ertzbischoff zw Magdeburgk, Primas in germanien, Administrator des Stifts zw Halberstad, Herzog zw Sachssen, Lantgraue jn doringen vnd Marggraue zw Meyssen, Bekennen offentlich mitt diesem briue vor vns vnd vnser nachkommen Ertzbischoue zw Magdeburgk. Nachdem vnser lieben getrawen Rathmanne vnser Stadt Borch vor sich vnd die ganze gemeyne doselbs vff vnser ansuchen vnd gescheffte vns zw befunderm gefallen vnsern lieben getrewen Hanfen vnd Jacoffe Roden vnd der gewantfchneider meystere zw Magdeburgk yren